

石雲山人詩集

石雲山人詩集序

荷屋中丞以柱石之才膺岳牧之任惠風被於江漢芬  
澤扇於蒨蘭清望外崇方衡嶽而等峻淵襟內抱指湘  
流而測深巍巍乎申甫之經營而周召之勤施也然而  
白雪一歌彌高乎郢曲朱絃三嘆時荅乎楚騷公務之  
餘因輯其所爲詩若干卷託千里於文鱗乞一言爲前  
馬竊見其藻思霞騫逸情颺發風雅一律忠孝備於人  
倫經濟萬言憂樂先於天下誠足沂厥源流詳其梗概  
焉今夫夔拊龍言虞廷諧其雅奏鳳梧魚藻姬室矢其

好音自來熙洽之朝代有賡颺之盛中丞出入承明迴  
翔禁省雨中春樹攬仙景於龍池塞上秋山扈

宸游於豹尾篇什之美亦旣備矣忠愛之忱抑有進者  
蓋自霜臺白簡罷乘御史之廳粉署青綾起應郎官之  
宿幾謂荀池見奪馮鬢易絲而不次之遷早膺乎豸繡  
非常之任遂假以虹旃每當玉珮來朝金魚入對下

九天之清問有若家人承三接之恩光頻移日影宜乎  
恩銘刻骨情竭披肝傾東海之波難名渥澤罄南山之  
竹願紀恩榮也且夫資父事君理原一致作忠移孝事

乏兩全古有躋位台旌許身王國白雲飄忽望親舍而  
疚心烏鳥淒哀景鄉關而隕涕此柳桑所以興靡盬之  
嘆岷岫所以凜愼旃之戒也中丞躬荷

主知身爲國役而齧指之警偶感於夢中陳情之章早  
來於殿上是以致景完之養則歡致重親稱張酺之觴  
則慶行私第屢返盤中之駕頻歸劍外之身雖北闕抽  
簪未邀於

九陛而南陔補雅且至於三編迨夫帷帟生哀松楸定  
瘞筇枝三尺芒屨一雙相尋潯峽之間直踏羅浮而上

歷百重之巖壑古壤始逢經兩載之星霜佳城乃卜於是綜其名勝補以新篇此則絕澗迴巒並寄仁人之慕寒蘿冥柏咸傳孝子之情者矣若夫英蕩宣仁上佐朝廷塞晏之化繡衣問俗下陳閭閻疾苦之源則自二陝以達八閩循五谿而經三楚輒復津亭問水驛路看山訪古蹟於寒煙動高歌於落日此豈獨杜陵夔府寫玉壘之山川昌黎嶺南紀珠崖之風土云爾哉蓋負控御之略者必先考疆域而察陰陽明撫綏之經者尤貴物土宜而詳登耗讀查賑諸篇而知青州救荒之政可

施於浙觀稼繭十法而知海陵種樹之教可用於黔惟  
察於五土之剛柔而覽無不盡斯洞乎一方之形勢而  
措無勿宜而或以婁江麗藻有得於江山新城雅才獨  
詳於輿地又烏足以知中丞之心而論中丞之詩哉僕  
素飫宏名忝叨末契昔年鎖院幸五色之不迷此日詞  
壇讓一頭之放出聊明旨蘊用代引嚆俾讀是集者知  
必有純懿之至行而後可旰飾性靈知必有胞與之宏  
襟而後可挾張品彙則世之自握靈珠獨矜享帚者亦  
可廢然返矣

石雲山人集

序

三

道光乙未夏六月上澣通家生潘世恩序

石雲山人詩集目錄

第一卷

經進詩存

古今體詩共四十七首

第二卷

計偕吟草

古今體詩共二十四首

第三卷

木天詩存

古今體詩共二十四首

第四卷

歸省第一集

古今體詩共七十二首



第五卷

觀象研齋集

古今體詩共四十八首

第六卷

西臺詩存

古今體詩共壹佰零五首

第七卷

歸省第二集

古今體詩共七十首

第八卷

西曹詩存

古今體詩共八十六首

第九卷

陝安集 古今體詩共壹佰四十五首

第十卷

閩山浙水集 古今體詩共六十九首

第十一卷

黔藩集 古今體詩共七十二首

第十二卷

歸省第三集 古今體詩共九十五首

第十三卷

閩藩詩存 古今體詩共三十三首

第十四卷

趺舍詩存 古今體詩共六十六首

第十五卷

京國八郵草 古今體詩共四十四首

第十六卷

湘藩詩存 古今體詩共四十一首

第十七卷

撫湘集 古今體詩共壹佰二十五首

第十八卷

畱湘集 古今體詩共四十九首

第十九卷

京堂集 古今體詩共四十六首

第二十卷

聞藩後集 古今體詩共五十二首

第二十一卷

歸田集 古今體詩共四十六首

第二十一卷續

賜五福堂集 古今體詩共六十六首

第二十二卷

試帖 共詩八十七首

第二十三卷

筠清館詩餘 共詞二十五首

石雲山人詩集目錄止

石雲山人詩集卷一

經進詩存

南海吳榮光伯榮撰

周甲同文詩八章

以天祿儲才清華勵品爲韻謹序○嘉慶九年甲子二月

臣

聞媯簀姜瑟開正始之元音軒冕祁裳肇太平之寶

命姒后受綠圖之字範衍九疇姬王觀赤爵之書星聯  
五緯乾符用彰于上古坤珍丕闡于中天而考簡畢所  
垂君臣賡德典謨以後雅頌以前時幾之敕相倣于明  
良星日之華咸遷于賢善矢鳳梧于卷者曾紀來遊快  
魚藻于那居爰歌樂愷亦足以揄揚盛德彪炳洪猷然

未有賡接旦于龔軒撫辰協紀宣重光于照冒週甲同  
文如

今日之盛者也

大清受命白山毓祥朱果圖開益地運肇光天顯承

謨

烈之貽既佑啟乎

列祖

授

受勲華之始遂篤眷乎

聖皇恭溯

高宗純皇帝道光荃緯

治鬯蘿圖觀文邁駿命之聲

垂統啟

燕貽之譽爰于九載

躬臨六飛

恩普詞臣

褒逾台輔輪環兩珥長瞻

倬漢之章杓浥三漿競飫登瀛之酒煥璇題于芸觀寶



翰昭來考瑤典于蘭臺

隆儀邁古

皇上緝熙纘

緒作觀敷文奮庸

禪精一之傳

嗣服保通三之極

昊明

祇察禮洽蕃釐物阜民熙樂宣和氣鏡圖文于璧水典  
舉三雍檢方策于金函書增七錄春則

經筵講德秋則

獮蹕習勤加以三省銷兵六軍旋凱

皇猷遑蹶

聖武綏豐

宥納八瀛何啻華平紫脫

襟環十景豈惟芝珥冀節玉筦長輝正紀橫庚之化珠  
躔載潤又當後甲之期于時元鳥司分蒼龍垂序條風  
始暢卉旭方升

皇帝幸于翰林之署玉衡正而月朏初三

金闕開而霄融尺五乃陳

鹵簿肅禮官丙御扶輪申驅導軌九葩彩爛對絳引之  
璘璣七萃藻騰擁

黃麾之綵繚天低冰署星近玉河文昌之氣如珠賢良  
之雲捧日柳雜春旗之色萬騎鏘鸞花霏晨佩之香千  
官振鷺

天子乃降

萬乘謁

先師

六拜維虔羣籙告備

道集則同符先揆香升而遠契傳心然後宴啟五雲樂  
陳三部拱辰居于

寶座璧曜珠環列癸鼎于嘉筵雲濃香燦葱涑鵠炙桂  
髓鷺肪銷烹翠鳳之膏金擘青麟之脯諧繁音于

天上瀛海仙蹤傳法曲于人間昆池韻事

恩渥敦彼苞體具乎親臣

仁洽蕭斯椅桐逮乎庶士需澤之孚丕著離明之化爲  
昭時則

宸翰甫揮

元音再和

煥龍螺于北斗五字宮商

藻日月于東音二篇圖策

命唐詩而分韻續吟玉版之牋

仿漢製而聯章遍灑金鏤之管

帝容有穆

天顧維溫三十八首之詠歌煦光藎化二百六人之黼黻襲豫含醇候清暑于壺中花磚已遍送和聲于

殿角

彩仗方旋遂乃

賚降黃封

恩頒翠蘊

御集全函之秘下式雅輪

宸編隨筆之書近承

華葢重以西清新帙少府名珍鸞錦標開千箱紋紫麝  
煤香溢百匣花青固已

文治昭融

闔思普汜矣若夫尊

寶章金暉之篇

頒太學石經之刻

雲編再綯

奎畫雙輝上符

觀化之年文增宛委

親接

咨傳之統福到嫺嬛日字星鈎

先

後聖之寶題並煥玉壺金笥大小臣之

恩渥咸均懿夫

天澤厖鴻展親勸士則釣臺之宴不足稱也

帝歌喜起宣德抒情則叢雲之作八穗之文不足擬也  
禮樂明備

錫子便蕃則大招之延美六列之殷和不足紀也

昌期合撰

懿矩用光則軒姚解遇之隆子姬未臻之盛備哉燦爛

固將模唐範虞型殷鎔周也

臣

甫依秘省幸際



上儀承流而遠泳

聖涯被

渥而深思

教澤才儲萋華窺

大均成物之心品勵廉隅慶

聖世作人之盛謹用

御賜匾額天祿儲才清華勵品爲韻恭獻

聖主周甲同文之詩八章詞曰

皇帝纘統景運自

天潤玉朗燭臨穹鑑埏莫不照耀至于厓巔軒物皆燦  
姚風再宣溫溫太和于茲九年上煥冠日下出榮泉矧  
惟人文羽陶琯甄赫矣

觀化有開必先

其一

曰若

高宗光儀六服融月照日浸草澤木以承

列聖以康蒞祿乃

幸玉署大光煦藹稽古集賢彬彬郁郁藝苑增典詞林  
纂牘

授我

皇上璇璣百福允矣天中爛兮旦復

其二

皇曰念止文治俾予惟此甲子嘉會符初乃考厥典乃  
新厥廬乃獲乃璧乃璽乃閭乃

頒

寶章佐以經畬雉雉其文麟麟其書綳帙東觀牙籤石  
渠煌煌冊府

盛朝所儲

其三

吉日癸亥文昌曜魁旭臨闕曉

儀動天開大鯨振釣飛鳶淨埃瓊級入藥儀鎧燁燁六  
馭時乘雲起蓬萊藹藹濟濟大小雅才戴景盱化曰我  
皇來我

皇之來胡不楸哉

其四

爰謁

先聖緇帷告誠爰開嘉宴以聯下情衆拜稽首稱

萬壽觥韡我棠棣我庇我榮衍我百職我瑟我笙甘露  
灑垓澄醴飲瀛網縕元氣布濩延英懷德思躋鏡于

至清

其五

雙勝旣輝旣鑠旣赧

天藻有鈞旣光旣華鐫

德翠珉繪

恩黃麻玉璣絢日珠彤流霞

皇曰俞哉與諸臣嘉韻分燕國製仿漢家千言列錦萬  
藻振葩下逮吉士

渥賚有加

其六

昔

皇之來大化布惠太液露濃仙洲日霽今

皇之來嘉祚合契天酒重滋春韶再麗六十年中上澄  
下際沐浴德行斧藻詞藝是謂茂氣蔚文明世和聲之  
鳴莫敢不勵

其七

臣考載籍至于碑鉞芝房寶鼎漢陋已甚唐宋院署賦  
詩賜錦鴻業徒飾榮號莫審惟我

皇上迪

彝虔凜

文思丕承貞符來詒顯鑠百王章貞五品以肇

泰元

重熙萬稔

其八

五旬萬壽恭紀

文詩九種謹序 存樂章  
嘉慶十四年己巳十月

臣榮光

言欽惟

皇上大德受

命篤慶蕃祉十有四年歲在己巳欣逢

五旬萬壽聖節

錫福九有與天下臣民同慶

臣

惟易乾之九五曰飛龍

在天說易者曰五以至德處盛位備物致用以利天下

卽所以福天下天下之所以利見也我

皇上履九五之尊

敷億兆之福延洪厯

聖壽無量天下臣民之福無量臣敬繹九五之義九爲

陽數所謂乾元用九天下治也五爲天數大衍之積厥

竿千萬發祥延慶首基之矣臣以樗櫟廢材仰荷

聖主垂慈許得進冊祝

嘏竊念臣前由編修擢御史疊蒙

優考

恩賚典試視漕每恭逢



召對

大廷侍班

壇

廟得親瞻

洪猷懿鑠

懋德貞符戴

天知

恩伏地臚悃誠悚誠朴覃思罄慮敬取九五之義爲頌  
祝之詞別以九體冠以五字曰五德備祉賦曰五典協

華引曰五位衍數解曰五事敘微論曰五辰凝績頌曰  
五緯煥文連珠曰五教敕功篇曰五衢擊壤歌曰五方  
臚慶樂章謹拜手稽首以

獻

五方臚慶樂章

并引

曼壽禔福中外大同殊方遐圻拜舞

廷陛普天均慶六合燕胥謹擬東隅俾南交格西陲徠  
朔方暨

大一統樂章五篇以紀奔走偕來之盛

東隅俾俾

聖人

壽宇日福海民日所照咸尊親扶桑一瞰萬家春承順

溫則海外臣

其一

藩之綏禮教宜藩之宜

恩賚施

國禮教  
御賜朝鮮  
綏蕃匾額

恩賚施我則私

天章煌煌從天來陪臣九拜瞻

聖慈

天章來福孔時

其二

藩之恭表海封

御賜琉球恭藩匾額藩之

封錫年豐

相傳琉球國奉詔到其年必大豐稔冊

錫年豐我則同

天章煌煌從天來陪臣九拜率呼嵩

天章來福孔隆

其三

我民

天朝奠我枕

天朝鑑

十二年以朝鮮國送獲奸民私販枕榻可嘉特恩賞資我貢

天朝眷

以朝鮮路遠著于本年正貢留作次年歲貢

大皇帝萬萬壽長隸東土作郡縣

其四

玉律頒分歲月長

每歲頒朔朝鮮

帝之德今天之光日華初升兮

帝壽無疆

其五

右東隅俾五章

南交格格

帝德德

徵壽壽萬億萬萬里會

皇極以道以路以作以息仰惟

天福敷四國

其一

維越之南

帝錫冠蓋

八年封越南國號

賜奉

詔奉朔版圖王會銅柱標兮蘇江帶渥我

皇恩大無外

其二

西暹羅東蘇祿逮荷蘭統南服小共大共集駿厖

天保定兮俾戢穀遠人懷懷

景福

其三

萬樹園

恩宴厚厚莫厚

恩賜受

宴越南使臣于萬樹園

頒賞有差八蠻膜拜同歡奏

大皇帝萬萬壽長廓南荒以庭牖

其四

大海蕩蕩衆所歸南山巍巍福所依南極長輝兮

萬壽無期

其五

右南交格五章

西陲徠

聖人撫國我國部我部樂畜產通泉譜

錢文式樣繕入

詔西藏

萬年  
國寶冊  
萬邦率萬物覩大哉

聖人冒西土  
其一

金川底回部款自西而北曰痕都斯坦露之湛今日之  
熙人備宿衛兮出守藩維

天朝參養兮總無私  
其二

南掌觀緬甸職自西而南曰意達里亞國

天之生兮地之成奔走偕來兮同我太平樂莫樂兮達

神京  
其三

葡萄結綠

回部貢

馴象來服

緬甸貢

貢我



天朝

天賜福

大皇帝萬萬壽長納西鞮悉臣僕

其四

白環貢兮景星出益地圖兮來西域願獻我

皇兮

萬壽無極

其五

右西陲徠五章

朔方暨中外同好爵縻逮祿豐俾姻俾姪俾王俾公天

生

聖人兮福之宗

其一

蒙古旗四十九歸化城喜峰口我游牧我田畝

五年

諭

曰普天莫非王土蒙古向來游牧之地既許內地民人墾種若復官爲徵收似竟利其租入豈朕愛養蒙古之意

天朝無私俾我厚俾我厚衆稽首

其二

喀爾喀幾部烏梁海幾部普天之下皆王土制我官營  
我伍台吉盟長齊拜舞舞且歌歌

聖主

其二

陪京歌

帝臨

上都奉朝請

清蹕扈秋獮

熱河隨園

曲宴開春正

保和殿

賜宴

年年瞻

聖顏

蒙古年班

聖顏

天錫慶

大皇帝萬萬壽長保衆藩如子姓

其四

萬宇臚歡今瞻

御仗萬聲誦

佛兮

九重上萬佛擁我

佛兮歡喜相

薩克六盟長等貢  
無量壽佛萬尊

無量壽佛兮

佛壽無量

其五

右朔方暨五章

大一統歌

聖皇東西南朔

御萬方

受命長兮弗祿康

一人有慶今四海床祥

其一

承

帝之文以莫不欣承

帝之武以莫不撫承

帝之聖以莫不敬承

帝之神以莫不遵萬國來同祝

聖人

聖人至德膺符珍

其二

蒙古曲朝鮮伎回部人西番子緬甸舞來萬里

臣本年元旦侍

班恭瞻禮部  
所進各國樂  
五方樂奏

天顏喜

天顏喜錫多祉

其三

慶隆舞喜起舞大臣冠佩紆華組臯以賡兮夔以拊

帝曰俞哉庶績舉與我君臣秩多祐慶隆舞喜起舞

其四

物起已衍

算盛祉蕃已

受福敬陽春嘒嘒逢月令羣生邕熙

壽寓鏡瞻我

天祝我

聖惟億萬年篤

嘉慶

其五

右大一統五章

恭和

御製雨中策馬卽日成什元韻

曉色芳田霰霰施告豐秋稼恰逢時甘膏送喜如人意  
安轡迎涼範我馳澹沲雲烟看乍洗澄鮮山水覺方滋  
貼黃昨日

新恩下

聖澤如天萬衆怡

恭和

御製至避暑山莊卽事有感元韻

四年此地仰

金鑾

繼

聖綏徠問兩寒萬載

堯仁長髓洽卅年



石門山人集 卷一  
舜慕尙心酸

屬車盡見藩營扈差馬休同獵碣刊共說

皇躬勤述事尙煩

宵旰警懷安

恭和

御製

永佑寺後樓瞻禮元韻

翠華甫莅山莊寺

廟享精虔首此樓昭格長如瞻

寢殿游觀何暇問林邱  
羹牆懷見

三朝肅堂構

欽承萬代畱

佑啟卽今隆

繼序

宸章丕著紀來由

恭和

御製鑑始齋敬述元韻

天錫

右雲山人集

卷上

五

聖

神相引延造我

大清萬斯年

聖人睿照能鑑始

奎題兩字凌雲烟乃知

善作貴

善述

仁皇

純皇揮史編

授

受式欽我

皇繼德福同符佛時肩

恭和

御製延薰山館元韻

雲榭仙槎勝十洲波光花氣共沈浮  
鮮餘礪水環香檻  
青送鍾峰入畫樓正喜清涼宜上塞  
遙知解阜遍中州  
風琴一曲

宸襟暢恰是山家報有秋

恭和

御製烟雨樓歌元韻

妙境宜烟又宜雨  
橋李之西創斯宇  
碧溶一棹湖光開  
翠排萬笏山容覩  
高樓塞苑帶垂楊  
陋彼甘泉殊未央  
紀名仍是鴛湖舊  
四山嵐嶺環

奎章

御園傑構欣新制  
畫意乃在空濛際  
以工養民

天語垂共識

聖明光下際  
樓頭景物憶江南  
八方

在宥一貫三請看有滄公田潤盡是

皇家膏澤含

賦得農乃登麥

得農字五言八韻  
辛酉散館

歲計登場始田家麥熟逢候剛占四月願乃慰三農屈  
指珠玑滿關心玉屑封非秋霜鋪倚趁曉露耒從客話  
東菑笠人歸北里春連村炊火起是處餅香濃薦甫徵  
嘗蔬

雩方舉見龍知依

宵旰念正切萬民供

賦得懷德維寧

得心字五言八韻

癸亥大考

聖德殷虔羣羣懷仰

照臨無私方作覩

有道盡傾心就日偕來願從風不應忱鈞模三極建藻  
火四鄰欽天上星辰拱人間雨露深允誠歌旦綬解愠  
協薰琴蟻慕成都意魚賡在鄙音出寧彰

帝治萬國慶航琛

賦得成允成功

得成字五言八韻  
甲子考差

治水稽文命言成績用成謨陳三事允功告九州平灑

澹千秋業憂勤四載征艱鮮天上秦河漢地中行庸乃  
惟時懋能先莫與爭山川從古奠貢賦至今名瓢子流  
方順桃花汛不驚安瀾欽

廟算漸被訖寢瀛

賦得風泉滿清聽

得清字五言八韻  
丁卯考差

領略澄空趣風來水自鳴吹從虛谷滿聽到隔溪平澹  
蕩坡襟得瑤淙入耳盈波涵添竹韻濤起轉松聲遠訝  
銀河瀉繁疑玉漏迎六時塵慮淨萬籟道心生氣接神  
臯迴流瞻



聖鏡清羣方噓悅遍渙號愜

皇情

賦得貢玉論珠

得求字五言八韻  
戊辰考差

玉德靈巖蘊珠光大澤浮貢應誇特達論亦費旁揆禮  
意當筵重文章照乘留四山雲氣潤九曲月華秋品以  
豐年貴途甯暗夜投虹垂徵洛水蠙暨語徐州却獻欽  
廷訓知人仰

帝猷寶賢登進廣

恩榜正勤求

賦得金人示戒

得言字五言八韻  
癸酉考差

懿戒祥金鑄斯人古慎言口曾緘用示舌爲玷宜捫毫  
末須防漸涓流貴正源吉占辭蓋寡利豈臭同論但使  
羸瓶守多嫌炙輠繁草焚朝乍退樹對室方溫抱蜀成  
孚際觀周奏假存

聖誠齋祀肅雨若溥郊原

賦得膏澤多豐年

得多字五言八韻  
丙子考差

膏雨如人意占年較若何告豐農願滿孚澤

帝恩多玉燭三靈懋金穰九敘歌依旬方養麥應節又

宜禾雲裏曾孫稼烟中父老簷濯枝期待協芑種候才  
過潤送

天顏喜醲剪地脈和

聖懷徵曰肅

薰殿秩南訛

賦得農教先八政

得農字五言八韻  
戊寅考差

民事稽當教

皇心首重農政先惟八舉範以次三逢頤養時哉食師  
貞衆曰容典應兼祀貨官必備秋冬計戶司徒版娛賓

野老饗人都謀翰敘天亦雨暘從禹甸千秋烈幽圖百  
代宗

聖人塵率育萬井慶

恩濃

同懷弟彌光樸園編輯

予尙忠春卿

尙志任卿校字

石雲山人詩集卷一止

石雲山人詩集卷二

計偕吟草

戊午  
己未

南海吳榮光伯榮

出山二首

戊午十一月二十五日

出山雲與在山雲渡口微茫去住分長路  
乍難依膝別  
高科甯有點頭文采蘭晚弟陔能賦見柳春人陌正紛  
只有身衣慈母線他年何處荅殷勤  
時先太夫人  
見背己六年  
蘭階槐里一陽新著我先鞭及此辰駿馬共期空冀野  
鯨魚重愧望溟津青鞋巖壑他年事白酒蓬蒿遠道人  
後夜相思各回首梅花同證歲寒身

峽山寺

南禺崆嶷北禺巋有雲欲起尙未起霜飛木落滿空山  
上有滄浪下烟水烟水茫茫兩峽閒峽自奔騰我自閒  
何年中宿泉今日凝碧灣水碓各歷碌風琴爭潺湲上  
古神仙偶遊戲天荒地老來人寰人寰匆匆幾過客增  
琳續紺梵天宅多事叩門兩居士夜半飛來一方鳥飛  
來無古亦無今彈指浮圖證佛心山鬼欲撼撼不動惟  
見罡風元雨旦夕環靈岑我欲陟之心憑憑奮踏危磴  
支瘦藤五客從子

汪心泉梁履亭陳虛舟馮直山王賡堂

三客懼乃與其

二攀峻嶒

馮梁二君

攀峻嶒到古寺或云第十九福地古木

淒迷劍氣寒長松寂寞玉環墜但摩斷碑覓奇字更剔

苔斑與蘚翠雲臺小篆何人記

或云羅隱書

東坡已死誰能

詩獨立搔首將安之山川閱世野花笑未擾八定真禪

師

僧眞俊開山

請留現在緣預作未來導迴舟解纜意蕭然

猿聲無迹蒼巖隩

### 觀音巖

山骨青欲斷鞏然古穴明穴深燈火孤人如鴈鷺行沿  
隧攀臂上怪石紛崢嶸詎謂當晝晉忽已占冥升膽怯



石溜墜目隨燭光瑩颯颯竄蝙蝠昏昏伏鯨鯨九幽馳  
冽風相送出厓層老衲謂慎旃但聞履登登拾級瞬已  
到始見天一稜一龕我與佛同息勞生形顧此草木寒  
任彼琴筑鳴再拜觀自在觀心心不生探頭海天寬羅  
此衆山并芥子納須彌萬象涵太清長風浩然來與我  
身世迎凭欄視下方舟楫喧呶聲

韶州張文獻祠四首

南山畹晚白雲陲振觸當年感遇詩尙有平章勲業在  
莫將高第論文詞

金鏡千秋已劫灰此行空看畫圖來

奉祀生出公遺像見示

可憐

蜀道蒙塵日猶得君恩酌一杯

用宋徽宗題圖語

國事誰將付李牛鹿銜花謝馬嵬秋黃山白露人何處  
寂寞韶江水欲愁

古祠寥落曲江涯斷碣摩挲日又斜欲問開元名相事  
數株丰骨嶺頭花

### 度大庾嶺

七千餘里路侵尋北度梅關第一岑到眼忽驚飛雪地  
迴頭長作望雲心海天寥廓身猶健人鴈迢遙歲又深

記取嶺頭花始放春風消息問前林

除夕泊河口

爆聲如串豫江濱鴈信將傳旅櫂春滿地關山天際路  
一簾風雪意中人殘年欲改餘今夕健僕相依慰此身  
至竟騎鵬心尙在北溟遙望水瀾淪

和王賡堂

延選

懷人八首

有序

原夫鸛青鰈紫天生共命之儔玉碧珊紅地有  
交柯之樹生生牛女長矢同心去去參辰造憐  
分手念天涯之餐飯風北枝南數樓上之歸期

腮紅手素于是蟲絲織怨兕酌懷人問芳藥之  
新題譜薜蘿之舊曲鹽何爲兮昔昔砧何事兮  
山山未免有情誰能遣此所思不見我勞如何  
所以生是才人合有懷歸之什諒爲羈客率多  
恨別之章者也歲惟戊午榜報秋三青雲喜君  
子之偕 丹闕赴司徒之選中閨飲餞贈別曲  
于兒夫下走趨程快同舟于僊侶則有烏衣華  
冑羊石才郎家是青箱人如瓊樹咏霓裳于天  
上佇看仙才求玉杵于人間方諧情種謝氏偏

石雲山人集卷二

四

憐少女盧家生小阿侯固已我欲貯嬌人歌憐  
堦矣乃鶯閨燕婉才過三五芳年鵬運迢遙已  
赴八千長路一鞭驕馬奮壯志于金銜十里長  
亭寫離情于玉屑撫空懷而自惋我見猶憐恐  
悔遁而有他伊其相諛的的同衾之佩依依把  
袂之言誓得金而不聘茂陵盼割肉之將遺曼  
倩遂迺登山涉水度臘回春憶牕內之紅冰翻  
郢中之白雪看來柳色曾傳咏絮之才開到桃  
花已有傷春之句

廣堂有開到桃花又一春之句

時也艸萋春

淺月淡宵深一水愈橫羣巒偏直飛東南之孔  
雀憶西北之高樓啟篋則手爪絲絲入夢則心  
頭艸艸山似眉而方秀霧侵鬢以餘香無不振  
觸新愁盡供雅咏粉飛奩畔豈韓偓之淫思王  
映臺前乃徐陵之豔體君誠才子皆言夫壻之  
殊僕本恨人大有別離之意况復戒驪駒以就  
道附騏驎以同羣顧影自憐相依無間聽懊儂  
于昨夜幾度離憂聞歡子于隣船一身羈旅綠  
楊橋畔青草湖邊杜鵑啼歸去之聲鷓鴣叫難

行之路雖施鹽脂粉敢較媼妍而兒女長安頗  
知憶念懷棲鸞于異地爰見獵而生心情之所  
鍾各言其志爲念帶中腰細可憐鏡裏眉長帖  
夜被以裁鴛薰春衣而染麝花名稱意須會合  
之何期艸是將離憶分攜之共勉僕少解絮泥  
禪味曾吟 石詩腸獨鍾執手之歡頗有齊眉  
之樂問花香次已到蘭芳報竹平安剛來箋素  
浪言高足才恐老于風塵遠念白頭心自甘于  
藜藿誰不羨青田之鶴我願爲錦水之鷓含意

各伸反歌而和惟昔黎任交誼本是同年因思  
蘇李吟篇不遺贈婦可知盈盈脉脉具有同情  
爾爾卿卿未嫌猥屑一江鴈字悵遠道以離居  
萬里魚筒寄美人之芳草渺渺刀頭之鏡茫茫  
渡口之船樹豈忘憂卉無懷夢此日鴛鴦牋好  
各裁錦字之書他時鸚鵡堂開合待紫泥之報  
又是河梁渺渺思連宵杯酒感分離天涯若問情長短  
一縷春心獨繭絲

小院朝來露氣鮮三生禪慧柳枝妍紫羅窓格紅絨唾



繡到文殊倍自憐

一帆烟雨旅人舟  
雙宿雙飛羨野鷗  
閒憶小樓春睡起  
畫眉啼徹畫眉不

燈花深夜燦中閨  
曾祝兒夫報紫泥  
恰記月斜蓮漏凍  
合歡初發小園西

唱徹刀環竟柰何  
同心差未怨來羅  
棗花簾下人如玉  
惆悵東風別緒多

曲曲江流宛宛腸  
書來加飯勉他鄉  
月明昨夜闌干暮  
玉臂雲鬟正晚妝

雁鴨香消翡翠衾  
宜春新帖費春吟  
最憐江水東流去  
去問迢迢南浦心

愛葉歡苗未了  
因嫩寒無賴  
昨宵春故園  
一樣桐花月  
應念關山客路人

他鄉六首

山左道  
中作

月澹烟濃不見林  
僕人催駕路侵尋  
半生夢寐雞聲壯  
五夜風霜馬足深  
樓上幾番紅袖淚  
天涯一片白雲心  
一千八百官郵路  
并作他鄉游子吟

水氣終宵入骨寒  
馬嘶晨戒渡江干  
殊方土物加餐苦

外地人情作客難空有古墳畱項籍誰將故冶問袁安  
鳥飛兔走飢驅路颯颯風雲夜正漫

千家山郭起朝烟日日村頭貰酒錢長鋏食魚歸計未  
短衣射虎壯心懸臣文誰薦長卿似賓榻空懷孺子延  
今夕夢中雙轂到有人劍氣燭遙天

支離空自感風塵酣酒高歌剩此身投筆願爲今壯士  
讀碑多見古聞人參天柏樹鄒山隩夾岸楊枝汶水濱  
回首聖賢桑梓地至今猶說孟家隣

單家橋外夕陽時親舍南天最繫思問道崎嶇車幾殆

計程迢遞馬先疲一身自惜征衣敝  
半夕那堪旅榻支還念故園人有弟  
吹陔差解采蘭詩

故園花事奈愁何又觸春光一度過  
吟到白頭心似草掃餘青管黛如螺  
東南風暖清塵杳西北樓高好月多  
客路艱難鄉路遠不堪爲聽馬蹄歌

同懷弟彌光樸園編輯

子尙忠春卿

尙志任卿校字

石雲山人詩集卷二止